

SOLO Di Pueblo

Afl. 1.25

BRIYANDO FUERTE • TRECIENDO CLARIDAD
DIAMARS 20 FEBRUARI 2024

**STICHTING HUNTO
HACIENDO CUIDO DI SALUD
MENTAL MAS ACCESIBEL,
INCLUSIVO Y EFECTIVO**



WWW.SOLODIPUEBLO.COM




SOLODIPUEBLO@GMAIL.COM

**ARUBA BANK
PATRONISADOR
ORGUYOSO DI SV
ESTRELLA DAMAS –
YOUTH Y OPEN CLASS**



**4 PERSONA NO POR A SUBI
AVION PA BANDONA ARUBA: 2
BURACHI Y 2 PA LADRONICIA**



**WEGANAN INTERINSULAR 2024 TA TUMA
LUGA NA ARUBA DI 29 DI FEBRUARI PA
3 DI MAART PROXIMO**



**HULANDA TA RETIRA FOR
DI CONCURSO DI MISS
UNIVERSO E AÑA AKI NA
MEXICO**



**Minister Ursell Arends:
SCOL BASICO
KUDAWECHA A HAYA
SU HARDIN
DI ALIMENTACION**



Awo cu 2 florin mas, bo por gana e MEGA PLUS
* Afl. **775.000,-**
* Afl. 550.000,- + Afl. 225.000,-
extra

Benta ta sera 7:30 pm y sorteo ta hunga 7:45 pm



HUNGA AWO



BUCUTI & TARA TA INICIA CAMPAÑA DI CONSCIENTISACION DI PRESION DI TAIRA

Evento di inflacion ta stimula chauffeur pa spaar placa

EAGLE BEACH, Aruba – Jan. 22, 2024 – Bucuti & Tara Beach Resort, Aruba ta drecha caminda pa un futuro mas berde y mas sigur riba careteranan di Aruba. Dia 11 di januari, 2024, e resort a organisa un evento di conscientisacion pa controla presion di taira di auto. E iniciativa a logra reuni personal y miembronan di comunidad mientras a atende 29 vehiculo. Di nan, solamente cuatro, of sea 14%, tabatin tairanan yena corectamente. Pa e resto di 86%, e control a duna garantia cu e taira di nan vehiculo tabata corectamente yena, y cu sigur ta trece cune varios beneficio.

Den esfuerso pa mehora seguridad riba caminda, reduci emision di carbon, y promove eficiencia di combustibel, Bucuti & Tara a organisa e evento aki pa pone enfasis riba e importancia critico di mantene presion optimal di tairanan di bo vehiculo. E evento a trata temanan clave relaciona cu tairanan cu no ta yena suficiente y nan impacto riba seguridad, consumo di combustibel, y medio ambiente.

Inflacion pa seguridad.

Taira cual tin e aire adecuadamente lo evita e molester di tin un taira flat. E beneficio di e evento di E prome y unico hotel certifica como carbon-neutral den Caribe, pa conscientisacion di presion di taira.

- Maneho mas eficiente den consumo di combustibel. Vehiculonan tin menos resistencia di recorrido ora cu nan tairanan ta yena cu aire na e nivelnan di presion recomenda. Motor di e vehiculo e ora no mester traha asina duru pa move, cu ta conduci na mehora eficiencia di combustibel. Como resultado, ta consumi menos combustibel y ta dispidi menos emision di carbon na atmosfera, resultando den un imprenta di carbon reduci.
- Nabegando pa un horizonte mas berde. Mas leu cu e taira ariba su mes, e iniciativa ta trata di pone menos peso riba e planeta. E evento a curasha mantencion regular di taira pa prolonga e uo mas largo. Haciendo esaki, na



final, ta spaar chauffeurnan placa y ta reduci e impacto ambiental desfavorabel di crea y deshasi di tairanan. Pa fabrica tairanan nobo, ta necesario usa recursonan natural manera plastic natural y azeta. Manteniendo e presion di taira optimo, chauffeurnan ta reduci e frecuencia di cambio di taira, indirectamente conservando e resursonan aki y minimalisando e impacto ambiental relaciona cu e produccion di taira.

- Cambiando pa seguridad personal. Poniendo enfasis riba e papel crucial cu presion corecto di taira ta hunga pa sigura estabilidad di e vehiculo, traccion, y capacidad di brake, reduciendo asina e riesgo di accident cu por resulta den


leshonan y hasta perdida di bida. Tene Duro pa futuro

E iniciativa di conscientisacion riba presion di taira di Bucuti & Tara tabata un esfuerso holistico pa cuido di vehiculo. E ta pa promove conscientisation tocante sostenibilidad ambiental, y alabes anima e chauffeurnan pa tene na cuenta e impacto amplio di nan actonan riba e planeta y pa ta conciente di nan propio seguridad. Learn more by visiting Bucuti.com

IMAGES & VIDEOS

Additional nature preserve images located in this [Dropbox folder](#). Images and videos are located in this private media gallery.

4 PERSONA NO POR A SUBI AVION PA BANDONA ARUBA 2 PA BAO INFLUENCIA Y E OTRO 2NAN PA LADRONICIA



Diasabra anochi polis di frontera a stroba 4 persona habla hispana di aborda e vuelo di Wingo pa bandona Aruba 2 pa bao influencia y e otro 2nan pa ladronicia pasobra nan ta envolvi den e trampa di gaña cumpra celular y manera e haye den su man ela core bay.

HULANDA TA RETIRA FOR DI CONCURSO DI MISS UNIVERSO E AÑA AKI NA MEXICO

Miss Holland lo no bai e competencia di Miss Universo e aña aki. E delegacion hulandes a disidí di retira awor cu e organisacion prinsipal tailandés a bende 50% di accion cu un compania mexicano.

Debí na e acuerdo nobo, un gran parti di empleadonan di e cede na New York a wordo retira y a ser remplasa.

“Nos no tin ningun contacto na e momento aki. Tur e personanan cu nos semper tabatin contacto a bay”, e director di Miss

Holland, Monica van Ee, a bisa na e agencia di noticia ANP.

“Mi no ta manda ningun hende sin garantia, pasobra nos mester ta 100 por ciento sigur cu tur costa organisa correctamente.”

P’esei, den bon consulta, a disidí pa salta por lo menos e siguiente competencia di Miss Universo na Mexico. Ta posibel cu lo manda un otro Miss Holland den futuro.

“Nos ta warda riba contacto, pero e mester duna un bon sentimiento, naturalmente.”



Lo tin un evento di Miss Hulanda e siguiente luna. E ganadora ta sigui Rikkie

Kollé.

E compania tailandés JKN Global Group, ku actualmente ta dirigí e

Organisacion di Miss Universo, a bende 50% di e accion na un compania mexicano.

Minister Endy Croes: WEGANAN INTERINSULAR 2024 TA TUMA LUGA NA ARUBA DI 29 DI FEBRUARI PA 3 DI MAART PROXIMO

Durante conferencia di prensa, Minister Endy Croes a elabora riba Weganan Interinsular 2024 cu ta inicia fin di luna aki na Aruba. Weganan Interinsular ta e competencianan deportivo escolar entre e islanan Aruba, Boneiro y Curaçao. Na 2022, Minister Endy Croes hunto cu Minister di Enseñansa, Ciencia, Cultura y Deporte di Curaçao Sr. Sithree van Heydoorn y diputado di

Infraestructura y Deporte di Boneiro e tempo ey Sr. James Kroon a firma un acuerdo pa reinicia Weganan Interinsular despues di shete (7) aña.

Na 2023 Weganan Interinsular a reinicia bek cu seis (6) disciplina y e competencia tabata exitoso. E aña aki pa di dos (2) aña consecutivo Weganan Interinsular ta tuma lugá y a aumenta di (seis) 6 pa (nuebe)

9 disciplina. Weganan Interinsular ta inicia na Aruba di 29 di februari pa 3 di maart den e disciplina di trefbal di mucha muhe, dam y ahedres. Despues di esaki, Weganan Interinsular lo continua na Boneiro di 14 pa 17 di maart, unda cu e mucha- y hobennan lo participa den e disciplina di basketball di mucha homber, aquatlon y futbol di mucha muhe. E clausura lo tuma lugá na Curaçao di 11 pa 14 di

april, unda cu e scolnan lo participa den e disciplina di basketball, y atletismo y volleyball.

Na luna di december ultimo, a lansa e logo nobo di Weganan Interinsular (WI) y e logo ta hopi popular na e islanan. Pa conclui, Minister Endy Croes ta desea tur scol cu ta participa den e competencia di Weganan Interinsular 2024 hopi exito. Cu deseo, dedicacion,



determinacion y disciplina ta logra!

AWE

MEGA PLUS

Awo cu 2 florin mas, bo por gana e

*** Afl. 775.000,-**

*** Afl. 550.000,- + Afl. 225.000,- extra**

Benta ta sera 7:30 pm y sorteo ta hunga 7:45 pm

MEGA PLUS

HUNGA AWO

GEOFFREY WEVER: ARUBA INVESTMENT SUMMIT 2024 LO BUSCA PA ATRAE INVERSIONISTA HULANDES



Durante un conferencia di prensa dialuna mainta, Minister di Asuntonan Economico, Geoffrey Wever, ta anuncia cu e Aruba Investment Summit 2024 lo tuma lugar na Den Haag, Hulanda, riba dia 21 di maart proximo. E obhetivo principal di e summit ta pa presenta Aruba como e destinacion di inversion principal den Caribe y pa destaca e oportunidadnan cu nos isla tin pa ofrece.

Minister Wever a subraya e importancia di promociona Aruba como un destinacion di inversion atractivo, y a gradici tur esnan involucra pa nan esfuersonan pa haci e Aruba Investment Summit 2024 un realidad. AIS 2024 ta un esfuerzo conhunto entre e Representacion di Hulanda na Aruba, VNO, Camera di Comercio di Aruba, Aruba Huis, y organisa pa unidad ARINA di Departamento



di Asuntonan Economico. E summit lo inclui discusionnan riba oportunidadnan di inversion den area di sostenibilidad, cual riba su mes ta transcende diferente industria. Tambe lo focus riba oportunidadnan pa Oranjestad y San Nicolas manera gastronomia, real estate, entretenimiento y mas.

Promocion extensivo pa e evento lo ser haci riba diferente plataforma di media, cu enfoke special riba inversionista potencial for di Hulanda y cercania.

Organisacion y maneho di registracionnan pa e evento ta sera maneha pa ARINA. Lo presenta oportunidad pa comerciante y interesadonan participa tanto cara-a-cara, como tambe e opcion pa atende virtualmente via Microsoft Teams.

Pa mas informacion y detayenan tocante e Aruba Investment Summit 2024, por tuma contacto cu e Ministerio di Asuntonan Economico of bishita nan website oficial di www.investinaruba.com

Minister Geoffrey Wever

kier a gradici tur esnan cu ta bai haci e Aruba Investment Summit 2024 un realidad. Sr. Vincent Storimans, Plaatsvervangend Vertegenwoordiger van Nederland in Aruba (VNO); Sr. Diederik Kemmerling, presidente di Camara di Comercio di Aruba; Sr. Ady Thijsen, nos Minister Plenipotenciario na Den Haag y e ekipo di Aruba Huis; Sra. Maria Pita-Dijkhoff y, directora di Departamento di Asuntonan Economico y su team di ARINA, Zuleika Quant y Bryan Lenzinger.

CUENTA DI BANCO PA HACI PAGO DI ABONNEMENT ONLINE

Accountname: **Sunmax Printers**

Adres: **Sta. Cruz 110 Bank: RBC**

Account number: **77 00000 100152447**



HALA ROSEA LIBREMENTE

Cu introduccion di e ley aki DVG y Gobierno ta trata na reduci e risico pa malesanan cronico cu es cu ta huma por desaroya, como tambe proteha e 'second-hand smoker' y preveni e hoben di cuminsa huma na un edad jonga.

Minister Dangui Oduber

CONSEHO DI MINISTER A RICIBI UN PRESENTACION DI MEERJAREN FINANCIEEL KADER PLAN PA MANTENE E FONDO DI AZV SOSTENIBEL

Conseho di minister a ricibi un presentacion di Director di AZV, sr. Edwin Jacobs di e situacion financiero di AZV. A presenta e modelo cu ta yama “meerjaren financieel kader plan” como guia pa mantene e fondo di AZV uno sostenibel pa futuro.

Den e presentacion ta demostra cu e instrumento aki lo percura pa mantene e crecemento uno sostenibel y maneha e gastonan di fondo di cuidu abou pa keda ofrece e seguro na e

aseguradonan pa años cu ta bin.

Aña pasa a sera un acuerdo di Zorgakkord den sector di cuidu unda a subraya e necesidad y importancia di tin e meerjaren financieel kader, esaki ta un modelo cu ta pronostica e costonan di cuidu te aña 2040, cual ta tuma na cuenta mas cu un total di 2,500 punto di atencion na momento cu ta calcula e entrada y gastonan di cuidu.

Minister Dangui Oduber



a keda impresiona cu presentacion y ta sumamente optimista cu lo yega na un seguro

sostenibel y reposonsabel cu e instrument aki e “meerjaren financieel kader” cual ta algo

historico pa Aruba y lo profesionalisa e manera di financia cuidu na Aruba.

DOS HOMBER DETENI; Y UN DAMA TRANSPORTA PA HOSPITAAL DESPUES DI PROBLEMA



Tamarijn - Diasabra den oranan trempan di anochi polis a bay un adres na

Tamarijn, unda cu un hende muhe a ricibi golpi. Na yegada di polisnan,

nan a bin comprende kiko exactamente a sosode, unda cu un muhe probablemente a sufri un fractura na su brasa. Esaki tawata mester asistencia medico.

Locual a sosode, tawata cu dos homber a haya problema cu otro, y un di e hombernan a dal casa di e muhe cu e baranca. E dama a bay para dilanti di su casa pa defende.


E ora e baranca/piedra a dal e muhe; heridando e cu. Paramediconan cu a presenta na Tamarijn a haya ta necesario pa transport'e pa Hospitaal. Ambos homber a wordo deteni pa maltrato. Debi cu ora cu e homber a ripara



cu su casa a wordo herida; a pasa man pa un hark y a maltrata e homber cu a

herida su casa. Tur dos a entrega keho contra otro.

PLEITO ENTRE BISIÑA A ESCALA TE NA HERIDA UN DAMA NA SU MAN Y 2 HOMBER A KEDA DETENI



Diasabra anochi a drenta informe di un problema entre bisiña na Tamarijn

Paradera, mesora a dirigi un patruya na e sitio. Un rato despues a drenta otro



informe di cu tin agresion a tuma lugar y tin un dama herida. Mesora a manda mas patruya y tambe ambulans na e sitio.

Na yegada di e patruya a bin compronde cu e homber cu a yega cas bao influencia y a bay reclama su bisiña asunto

di cu e lo tabata hortando su coriente pero e lo a bay cu un "hark" y e otro bisiña lo a coy un piedra pa manda riba e homber cu supuestamente lo tin e "hark" pero e pareha di e homber a bay hisa su man pa e otro bisiña no manda e piedra grandi pero esaki a bay caba den direccion di

e dama su man y a herida e dama kibrando dede den su man y tabata sangrando.

Na yegada di e ambulans nan a atende e dama y a transporte pa hospital, mientras polis a detene ambos bisiña un pa bao influencia y e otro pa agresion cu lesion.

MINISTER MADURO A CONTESTA PREGUNTANAN DI STUDIAANTENAN DI EPI SECTOR HOSPITALIDAD RIBA GOBERNACION CU TA TOCA FINANSA Y CULTURA NA ARUBA



Cu masha placer Minister Maduro di Finansa y Cultura a reuni den e dianan aki cu 4 grupo di studiantenan di EPI Sector Hospitalidad cu den cuadro di un tarea pa e vak Burgerschap ta tene entrevista cu diferente minister. Tabata encuentronan masha ameno den cual Minister Maduro por a comparti informacion di gobernacion cu ta toca temanan financiero y tambe pa haya sa mas di e trabounan cu ta wordo haci pa cultura por wordo



bib'a y conserva na Aruba. Minister Maduro ta desea

tur 4 grupo hopi exito cu nan tarea y nan estudio.

Prome Minister Evelyn Wever-Croes:

CONSEHO DI MINISTER A RICIBI PRESENTACION RIBA E SITUACION FINANCIERO DI ALGEMENE ZIEKTEKOSTEN VERZEKERING (AZV)

"Gobierno lo sigui lucha pa AZV tin e espacio financiero pa por sigui duna e bon cuido na e comunidad di Aruba"



Diabierna ultimo, durante un reunion cu Algemene Ziektekosten Verzekering (AZV), Consho di Minister a ricibi un presentacion di e departamento, pa asina haya un bista riba e situacion financiero di AZV. Prome Minister

Evelyn Wever-Croes a indica cu durante e reunion a bin dilanti e condicion cu Hulanda a pone durante e pandemia, pa corta Awg 60 miyon di AZV, pa asina Aruba por haya placa fia pa yuda esnan cu mas a wordo afecta pa e

pandemia. E condicion aki a trece su consecucionan den cuido di salud, pero a pone cu AZV a bay traha riba un modelo di con pa baha gastonan di cuido riba termino largo. Esaki sigur, teniendo na cuenta cu Aruba su poblacion ta enbeheciendo, y ta esnan mas halto di edad ta esunnan cu mas ta aciuza di nos cuido medico, consecuentemente e gastonan ta sigui subi.

E meta di Gobierno ta pa tin un fondo di AZV solido, pa asina por sigui brinda

e cuido basico y provee e remedinan basico cu tin mester. Prome Minister a expresa cu e modelo financiero presenta pa AZV, proyectando con e gastonan ta bay ta, ta hopi impresionante. Tambe nan a duna mas informacion di e acuerdonan nobo cu nan ta cerando cu esnan cu ta duna e servicio medico pa asina garantisar un bon cuido di salud.

Prome Minister a indica cu a base di e reunion aki lo sigui cu deliberacionnan cu Hulanda y CAft pa asina

por yega na un protocol nobo entre Gobierno y AZV pa e siguiente añanan. Esaki lo trece claridad tanto pa Gobierno y AZV y na mes momento riba e posicion di Hulanda.

"Mi ta gradici tur esnan cu ta labora na AZV pa e tremendo trabou cu nan a bin ta haciendo pa sigura cuido medico y Gobierno lo sigui lucha pa AZV tin e espacio financiero pa por sigui duna e bon cuido na e comunidad di Aruba", Prome Minister a expresa.

Minister Endy Croes: E ESTUDIO DI SPORT AND EVENT MANAGEMENT DI UNIVERSITY OF SOUTH CAROLINA TA INICIA E PROME SIMAN DI MAART

: Dialuna mainta, durante Conferencia di Prensa di Gobierno di Aruba, Minister di Enseñansa y Deporte Endy Croes a trata e topico di Sport and Event Management. Manera ta conoci, den luna di november di aña 2023, Minister Endy Croes a firma un acuerdo cu University of South Carolina pa brinda dies (10) persona di Aruba e oportunidad di sigui un estudio di Sport and Event Management riba nivel di Master.

E personanan cu completa e estudio aki lo ricibi un certificado y lo por yuda e federacionnan deportivo organisa diferente proyecto

di turismo deportivo (sport tourism) aki na Aruba. Un team di tres (3) persona lo forma parti di e organizacion y lo yuda cu, entre otro, e peticion pa organisa evento, logistica, maneho di evento, skirbi rapport di evaluacion y relato financiero na final di e evento. E tabata un deseo y vision di Minister Endy Croes ta pa organisa un estudio riba nivel di Master di Sport and Event Management pa asina brinda comunidad e oportunidad pa organisa evento deportivo riba un nivel y standard internacional. Esaki sigur lo contribui den futuro na e vision di turismo deportivo.



Minister Endy Croes a indica cu den e vision di turismo deportivo (sport tourism) ATA, AHATA, Lotto pa Deporte y Gobierno di Aruba a aloca fondo pa eventonan internacional deportivo.

Minster Endy Croes a indica cu e ta desea di cuminsa cu dos (2) evento deportivo internacional pa aña. E estudio di Sport and Event Management ta inicia e prome siman di maart 2024 y lo ta parti den diferente seccion

durante un periodo di seis (6) luna. Pues, esaki ta un gran proyecto cu lo brinda oportunidad pa siña lidera y organisa eventonan deportivo riba nivel internacional.

INCLUSION DI HENDE MUHE NA ARUBA



Dia 8 di Maart ta celebra dia Internacional di Hende Muhe. Dia internacional di Hende Muhe ta un celebracion global na unda ta celebra logro social, economico, cultural y politico di hende muhe. E fecha aki tambe ta un yamada di accion pa

acelera igualdad pa hende muhe. E tema pa e aña aki ta: Inspira inclusion.

En conexcion cu celebracion di dia Internacional di Hende Muhe, Oficina Central di Estadistica (CBS) a scohe pa hasi un encuesta relata na e topico aki esta "Inclusion di hende

muhe na Aruba". E meta di e encuesta aki ta pa tin un bista di e inclusion di hende muhe na Aruba.

E encuesta ta encera ponencianan tocante inclusion di hende muhe na Aruba riba diferente area manera den nan hogar, trabou, organisacionnan di boluntario, clubnan di deporte, institucionnan religioso (misa/iglesia), gobierno, medionan di comunicacion y medionan social.

E encuesta ta disponibel den 4 idioma: Papiamentu, Hulandes, Ingles y Spaño.

Na comienso di e encuesta por scoge den cual idioma ta desea di completa e cuestionario. Tambe ta haci un par di pregunta tocante di e caracteristicanan di e persona cu ta contesta e preguntanan, manera por ehempel nan edad, pais di nacemento, nacionalidad, educacion di mas halto cu nan a completa y si e persona ta emplea.

E encuesta aki lo ta uno completamente "online" y lo ta accesible pa tur persona di 15 aña of mas te cu 1 di maart 2024 via e siguiente link: <https://www.dooblocawi.com/client/Survey.aspx?Ticket=AJ9T84HG>

aspx?Ticket=AJ9T84HG

E link aki lo ta disponibel tambe riba nos Facebook: Central Bureau Statistics Aruba.

Oficina Central di Estadistica ta pidi cooperacion di un y tur pa cu e encuesta "Inclusion di hende muhe na Aruba" pa asina tin un bista cual ta e opinion di e comunidad di Aruba tocante e topico aki. Pa cualkier pregunta tocante e encuesta por tuma contacto cu CBS, durante oranan di oficina na 524-7433 of por manda un e-mail na cbs@setarnet.aw

Parlamentario Shailiny Tromp-Lee: STICHTING HUNTO HACIENDO CUIDO DI SALUD MENTAL MAS ACCESIBEL, INCLUSIVO Y EFECTIVO



Diahuebs, 15 di februari 2024, mi a asisti na apertura di e edificio nobo di Stichting Hunto. Sigur durante e anochi aki a keda accentua cu e logro aki ta uno masha significativo den lus di e meta principal pa haci cuido di salud mental accesibel, inclusivo y efectivo aki na Aruba. Desde 2017 cu mi a drenta Parlamento nos a bin ta duna problematicanan manera abuso di mucha, salud mental y e crisis social nacional nan debido atencion. Despues di a sinta cu stakeholders mas y mas bo ta realisa cu nos no por a warda mas y mester duna salud mental su debido atencion y trate como prioridad. Ya prome cu e pandemia a cuminsa traha riba e problematica aki. Lastimamente e

pandemia a tranca e proceso, pero asina mes a sigui traha. Banda cu salud mental ta haya e atencion necesario, inversionnan importante a keda haci cu e meta primordial pa cu tratamentonan ta wordo duna mesora na adulto y mucha, y cu e lista di espera ta bira menos. E apertura di e edificio di Stichting HUNTO no solamente ta simbolisa e integracion fisico di locual ta psiquiatria y tratamiento di adiccion bou di un solo dak, pero tambe ta muestra di compromiso colectivo pa kibra e bareranan existente pa cu esakinan.

Durante di e charlanan nos por a scucha e trayecto largo y dificil cu a keda encamina pa logra



crea Stichting HUNTO, logra traha riba e plan y eheccion di e edificio nobo y renobacion di Centro Colorado. Tur e logronan te cu awor a ser logra door di a uni forza y traha hunto. Pesey mi kier gradici Gabinete Wever Croes I y II pa nan esfuerzo pa pone e ser humano central. Tambe na Stichting Hunto den su totalidad cu a traha incansablemente pa yega te unda nan ta awe. Cu un

solo meta: brinda yudansa, guia y sosten na esnan cu ta busca ayuda y yudanan tin e resiliencia necesario pa supera e desafionan di salud mental of di adiccion.

Durante e actividad di apertura tabatin presentacion di e artista Levi Silvanie cu a comparti su testimonio cu e publico presente. Un testimonio di su lucha cu salud mental y tambe di su yiu muher.

Pero con e mediante su arte awor ta brinda speransa y perspectiva na esnan cu ta lucha cu nan salud mental. Sigur su palabranan tabata impactante. Pesey mes, laga cada un di nos sea mas alerta, sea mas involucra. Brinda yudansa y sosten na esnan nos rond y cu ta luchando cu nan salud mental. Informa bo mes unda y con por brinda ayuda y sea e sosten of guia cu nan tin mester.

FORTALEZA PA FAMIA

Scirbi pa Pastor Marcel Balootje.

SOLAMENTE UNION.ORACION, Y EVANGELIO POR RESCATA NOS HUBENTUD

E situacion ta mucho mas serio cu nos ta pensa, maldad y inmoralidad a avansa den tur forma, y e forsa di libertinahe, cual ta e bida cu ta pone hende pensa cu tur cos por, tur cos mag, of ban purba, of tal hende tambe ta hacie, laga mi tambe hacie, tin e hubentud den su gara.

Pa hopi tempo e asunto aki a wordo usa como defensa y wega politico, pero awor e asunto aki a bin bek den scochi di di mayor, caminda educacion di mucha mester cuminsa.

No laga nos lubida cu sin Palabra di Dios ningun famia por wordo lanta den bon caminda, y esey nos tur por lesa den Hosea 4:6 y tene hopi bon cuenta cune.

Pa largo tempo hende a purba di pone Dios un banda y haci cosnan riba nan mes, y hasta basa educacion di nan yuinan riba placa, idolatria y materialismo. Y e sistema di educacion mundial ta

remarca cu:

1 pa 6 aña e Actitud di e mucha ta wordo forma.

6-12 aña e mucha ta Custumbra na habito.

12-18 aña e Karakter di e mucha ta wordo forma.

Y tur esey ta den man di e mayor, tur esey tin cu wordo controla seriamente door di e mayor, e rol di mayor ta asina importante for di e momento cu e mucha nace.

Na prome lugar e Actitud, ta hopi importante, pasobra asina cu e bay scol hende lo nota for di cual cas e a bini.

Na di dos lugar habito, tur loke e ta haci, bon of mal custumber, si e ta slordig, si e ta cla pa bringa, of ta papia of imita locual e ta mira famia ta haci na cas, su respet, su vocabulario etc.

Na di tres lugar karakter: e formacion di respet pa su mes y otronan. su forma di bisti, su interes den bienestar di su mes y

otroan, su escho di amistadnan, e balor, etica y moral cu e mester ta altura di dje.

Pero si tur esakinan tuma lugar sin Palabra y presencia di Dios, e ta bira dificil pa e mucha por avansa den bondad, ora e sistema di mundo ta avansa den maldad diariamente.

Mas duro e ta bira pa e mucha ora e mayor, bandona su responsabilidad como tata of mama, net den e temporada cu e mucha tin mas mester, cual ta e tres temporada nan cu nos e menciona mas ariba.

Pesey ta masha importante, pa tur mayor aleha for di: Adulterio, Adiccion, Abuso y otro cosnan cu ta causa Abandono di hogar.

Tur famia kibra tin un victima y esey ta e mucha.

Ta recomendable na tur hoben pa tuma e palabra di Dios na serio pasobra e ta ladron cual ta e diabel ta bini solamente pa horta, mata y

destrui. (Juan 10:10).

Y no lubida cu Dios ta resisti e orguyosonan y ta duna gracia ma e humildenan (1 Pedro 5:5-7).

No laga ningun hende menosprecia bo hubentud, ma mas bien den palabra, conducta, amor, fe y puresa, demostra bo mes di ta un ehempel pa esnan cu ta kere. (1 Timoteo 4:12)

Ta ora pa oracion bolbe bek na tur scol, ta ora pa e palabra di Dios, cual ta e evangelio di reino di Dios wordo predica den cas, y na tur scol.

E situacion cual nos hubentud ta pasando aden nan por wordo rescata solamente, cu Union den Famia, Oracion, y e Palabra di Dios mester wordo instrui na nan, pa asina nan por aleha di maldad. Sinceramente, Pastor Marcel Balootje.

2 BIAHA A KITA BOTTER FOR DI LADRON DI RUM NA SUPERMERCADO NA PONTON



Diadomingo atardi a drenta informe di cu tin un homber burachi cu a purba horta boter di bebida alcoholico, mesora a dirigi un patruya na e sitio. Na yegada di e patruya a bin compronde cu ya e homber a cana bay pabao caba. E homber na 2 ocasion ela sconde e boter den su jockey pero e camara capt'e y e cahera a tacticamente a kita e boter for di dje. Djey ela purba un biaha mas pero como cu e cahera sa su modus operandi a bolbe



kita e boter for di dje y ela cana bay. Polis a busca den vecindario pero no a logra

topa cun'e. Tur dos ocasion ela purba horta Coconut Rum.

Miembro Independiente di Parlamento: Rycond do Nascimento

MEP MESTER PARA CU HULANDA PA COMBATI PATRONAHE POLITICO 19 DI FEBRUARI 2024

MEP ta cobarde pa atende cu corrupcion manera debe ser, ni cuanto Ricky Hoek ta purba tapa esaki. E motibonan ta obvio. MEP mester deal cu e echo cu POR a generatresinvestigacionpenal. Caso Diamante a resulta den condena, caso Flamingo den e confesion di Hans Geerman y ta pinta preto pa Otmar. Solamente caso Kukwisa a termina den un sepot. Como cu MEP gusta grita “Dime con quién andas, y te diré quién eres” e amor entre POR y MEP mester ta doloroso awo. Ademas MEP mester deal cu e corrupcion den su mesun seno, for di activistanan te na e integrantenan di mas importante. Vacuna-gate ta muestra cu despues cu Dangui a fix su campañadornan, nan a haci fiesta bendiendo prueba di vacuna den forma fraudulento. Caso Kwihi ta trata di comercio ilegal cu contract gubernamental, involucrando ex-ministernan Chris Romero y Eddie Briesen. Caso Tulipan ta trata di malversacion di placa, unda cu expolis y ex minister plenipotenciario Guillfred Besaril a biba na grandi, comiendo den restaurant caro riba custia di BBO.

Como cu MEP no ta capaz pa sikiera evita corrupcion den partido, e pretencion di MEP pa crea un pais liber di corrupcion ta ridiculo. MEP mes ta un riesgo di integridad. MEP su prome

riesgo ta e ignorancia cu su parlamentarionan y ministernan ta demostra. E prueba di nan ignorancia ta e frasenan cu nan ta uza pa papia di e problema: “integridad, nace bo ta nace cu ne”, “appel putri”, “esun cu faya mester sinta riba su blaar.” Ta como si fuera nan no a yega mas leu cu derde klas ora ta trata di integridad gubernamental y corrupcion institucional. Nan no por reconoce un conflicto di interes y nan no sa nada encunto un bon structura di governance. P’esey henter Aruba por mira cu nan ta incapaz di crea un cultura cu ta preveni corrupcion den MEP mes. Ta simplemente imposibel pa kier elimina corrupcion sin un maneho di riesgo. Loke ta crea corrupcion structural no ta “appel putri”, sino e lodo putri di e patronahe politico di MEP y AVP. Ta hustamente e cultura corrupto MEP no kier adresa y p’esey nunca MEP por ta efectivo.

Esey ta hiba nos na e texto di Ricky. Como cu Ricky no por debati riba e contenido, e kier ataca mi persona. E ta spera di atacha mi credibilidad, pa e no mester deal cu e patronahe politico den MEP. Asina Ricky ta core pa e berdad. E ta yama mi e mastermind, esun cu a prepara e plannan corrupto di AVP. Si berdad Ricky ta kere cu mi a conseha Benny pa skirbi “dezerzjids akkoord” of Paul con



pa bende ontheffing of Michelle Winklaar pa fix contract lucrativo, Ricky berdad mester core, pero pa duna aangitie na Ministerio Publico.

Ademas Ricky su texto ta slap, y p’esey papa Nel mester a bin apoy’e riba Facebook. Pero Nel mes ta cofundador di patronahe politico y danki na patronahe politico awe Nel tin un caachi caachi extra den WEB. Pa 30 año Nelnan a uza parlamentario como marioneta, transformando Staten den un stempelparlement. Nan a uza aparato gubernamental como cabay di campaña y despues di 30 año, mayoria di servicio di gobierno tabata pesimo. Djis puntra señora

Evelyn Wever-Croes pakico Hulanda kier Landspakket. Ta un berguensa cu awe Nel ta pretende di por contribui algo na Setar of na WEB, mientras cu Nel mes a yuda sabota sector semi-publico. Na año 2020 a sali un rapport Corporate Governance in Aruba cu ta muestra cu bao Henny, Nel y Mike tabatin un free for all den sector semi-publico. Esey ta pasa ora hende ta campaña “Aruba ta Berde”, “Aruba ta Geel”, lubidando e color real di nos bandera.

MEP no ta gusta wordo yama cobarde, pero MEP tin miedo pa lucha contra patronahe politico. Berdad MEP no tin e forza pa combati e sistema aki su so, pero hunto cu Hulanda si. P’esey MEP mester brasa RATi y acelera Landspakket, sin haci triki. Desmantela e sistema di nombramento politico den Setar, RDA, WEB, Elmar y Utilities etc. Traha hunto cu Hulanda pa crea proceduranan cu ta combti corrupcion. Intensiva e relacion cu Hulanda riba control penal y handhaving. Of MEP ta prefera di bay tras di Paul, Benny cu Otmar cu ta grita tur dia cu Hulanda ta mal hende y Ministerio Publico ta inhusto? Para hunto cu Hulanda pa combati patronahe politico ta simplemente un cuestion di curashi.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



BONAIRE HUMAN RIGHTS A ORGANISA KU EKSITO SU PROME SENA DI KARIDAT ANNUAL DI SAN VALENTINO




Bonaire Human Rights Organization(BHRO) a organisa un sena di karidat di San Valentino konmovedor riba 14 Februari ultimo, reuniendo sostenedornan I defensoran di derecho humano pa un anochi di filantropia I solidaridat. E evento, ku a wordu tene na e Teraza di e Residencia Ocean View di e Presidente di BHRO tabata tin komo obhetivo pa rekaua fondo I krea konsiensia pa e derechonnan humano basiko di e pueblo di Boneiru.

Ku asistensia pa mas ku 70 partisipante, inkluyendo lidernan destaka di komunidat, aktivistanan I donantenan, e anochi tabata un selebrashon di kompashon I kompromiso pa derechonnan humano. E invitadonan a disfruta di un sena gourmet di seis plato, entrenemiento ku musika live I diskurso inspirativo pa e presidente Sra Davika Bissessar Shaw

I vise-presidente Sr James Finies

“Nos ta enkanta ku e apoyo abrumador musta pa e sosiedat multi kultural di Boneiru na nos sena di San Valentino”, Sra Bissessar di Bonaire Human Rights a bisa. E evento aki no solamente a rekaua fondo pa nos kausa pero tambe a fortalese nos komunidat su determinashon I kompromiso pa defende derechonnan I dignidat di tur hende.

Durante e evento e partisipantenan a hanja oportunidat di presensia otorgamentu di rekonosementu presenta na Sra Zara Winklaar pa su kontribushon destaka pa e lucha di outodeterminashon di Boneiru. Ademas, na prinsipio di dezember, Bonaire Human Rights a honra Sr Elvis Braaf, Sr Izaak “Uz” Evertsz I Sr Richard “Rishi” Pietersz komo rekonsementu pa nan dedikashon I



logronan. Sr Finies a reafirma su kompromiso pa sigui lucha paturisuidadano Boneriano den su aspirashon di su organisashon pa logra derechonnan di e pueblo Boneirano Bonaire Human Rights ta ekstende su gradisimentu na tur ku a asisti, sponsornan, boluntarionan I

simpatisantenan pa nan generosidat I dedikashon ku a hasi e sena di Karidat di San Valentino un eksito rotundo. Finalmente, nos ta gradisi Sra Marjolein Finies pa a prepara e kuminda di seis plato eksepsional I Sra Arlene Finies pa e dekorashon inkreibel I bunita. Huntu, nos lo kontinua na defende derechonnan humano I

traha direkshon di un futuro kaminda tur hende lo wordu trata ku dignidat I respet.



ARUBA BANK PATRONISADOR ORGUYOSO DI SV ESTRELLA DAMAS – YOUTH Y OPEN CLASS



PRONOSTICO DI TEMPO VALIDO TE DIAMARS 20 DI FEBRUARI 2024, 18:00 ORA
-UN ALERTA PA BIENTU DURO TA KEDA NA VIGOR TE DIAMARS MAINTA 6'OR...
-UN AVISO PA BOTO CHIKITO PA LAMA HABRI Y ESPECIALMENTE AREANAN CERCA DI COSTA OOST TE NOORDWEST LO KEDA NA VIGOR TE DIAMARS ATARDI 6'OR...
TEMPO:
AWE TARDI Y AWE NOCHI: PARCIALMENTE NUBLA Y SECO
DEN MARDUGA Y MAYAN: PARCIAMENTE NUBLA Y GENERALMENTE SECO
TEMPERATURA MAXIMO 32 GRADO CELSIUS
TEMPERATURA MINIMO 26 GRADO CELSIUS
INDICE DI CALOR (HEAT INDEX) DEN Y ROND DI ORANAN DI MERDIA: 33 PA 38 GRADO
MODERA FOR DI DIRECCION OOST TE NOORDOOST;
FORSA 3 TE 4 (12 TE 30 KM/ORA, 7 TE 16 NUDO).
DURANTE DI DIA BASTA FUERTE TE POSIBLEMENTE FUERTE DEN RAFAGA;
DEN PROXIMO DIANAN LO BAITIN UN AUMENTO LEVE
AVISO/ ALERTA:
UN AVISO PA BOTO CHIKITO TA NA VIGOR PA PARTINAN
OOST TE NOORDWEST DI COSTA Y LAMA HABRI...E AVISO
AKI LO WORDO CANCELA MAYAN ATARDI 6'OR.
PARCIALMENTE NUBLA CU UN POSIBLE AWACERO PASAJERO.
BIENTO LO TA FOR DI DIRECCION NOORDOOST TE OOST
Y MODERA TE BASTA FUERTE TE FUERTE DEN RAFAGA.
TEMPERATURA (GRADO CELSIUS)
MAX / MIN LO TA: 32 / 27
DEPARTAMENTO METEOROLOGICO ARUBA
DIALUNA 19 DI FEBRUARI 2024 17:00 (21:00 UTC)


19 di februari 2024 - Durante temporada di World Cup 2022, Aruba Bank a presenta un contest di Team Spirit, caminda ekiponan di futbol por a participa, pa gana y di e forma aki logra un uniform nobo pa nan ekipo.

Diabierna ultimo, cu hopi orguyo den presencia di Stephanie Camacho, Sr. Marketing Officer, e ekipo di Damas di SV Estrella Youth, y SV Estrella Open Class, oficialmente ta bautisa nan uniform nobo.

Nan por ta orguyoso di a logra esaki, y ta sumamente contento pa por sigui hunga y representa nan ekipo den aña 2024!

Aruba Bank ta sigui aporta na deporte, y esaki ta un otro muestra di con Aruba Bank ta sigui duna e sosten pa nos hobennan den e caso aki e damas nan di SV Estrella por sigui practica nan deporte, awor den nan uniform nobo!

Pabien SV Estrella Damas!



				2		3		
	6		1				7	
8				6	3			
		1					6	
7		5				9		2
	8					7		
			2	8				7
	5				6		9	
		9		3				

		4		7		1		
	5						3	
		3	5		9	7		
9			7		5			4
7	3			8			2	6
8			9		6			7
		1	4		8	2		
	7						9	
		9		1		4		

Minister Ursell Arends: SCOL BASICO KUDAWECHA A HAYA SU HARDIN DI ALIMENTACION

Den un iniciativa pa inculca balornan di practicanan di agricultura sostenibel y importancia di siguridad di alimentacion den e siguiente generacion, Minister Arends a lansa un proyecto di agroforesteria na scolnan basico na Aruba. Diasabra 17 di Februari 2024, boluntarionan, maestronan, y studiantenan a uni forsa pa prepara un hardin di alimentacion na Scol Basico Kudawecha, marcando e di dos instalacion exitoso dentro di e proyecto aki. E entusiasmo y esfuerso colectivo di comunidad a haci e evento uno

memorabel, demostrando e potencial pa educacion ambiental colaborativo. E proyecto lo continua te cu juli unda lo evalua e siguiente etapa pa engrandece proyecto hunto cu Living Soil y Santa Rosa. E hardinnan aki no ta solamente un herment educativo, pero tambe ta sirbi como un empuhe pa muchanan haya e entusiasmo pa sigui planta na cas cu un mentalidad di provee pa nan mes.

“Mi ta increiblemente orguyoso di e pasion y dedicacion cu mi ta mira

den nos comunidad escolar y boluntarionan,” segun Minister Ursell Arends, kende ta encarga cu Sector Primario. “E proyecto di agroforesteria na scolnan basico ta un paso importante den e direccion di un Aruba mas saludabel y consciente. Hunto, nos ta sembrando e simianan pa un futuro mas sostenibel.”

E exito di e proyecto te awor a ser logra den colaboracion cu Santa Rosa y Living Soil, hunto cu boluntarionan. Minister Arends ta extende un palabra di gradicimento na tur esnan cu a contribui



Lagrima y flor por seca, su recuerdonan y tur loke E la haci pa nos lo keda graba pa semper den nos mente y curason. “Cerca Dios mi alma ta na paz di dje mi salvacion ta bini” Salmo 62:1

Cu profundo tristesa den nos curason, pero agradecido na Señor pa tur locual e la haci y significa pa nos, nos ta anuncia cu a bay sosega den brasa di Señor, nos mama, ruman y tanta stima:



Sra. Vda. Anna Maria Croes – Croes
Mihor conoci como “Ina”

21-11-1935 - 17-02-2024

Viuda di Sr. Juan Octaviano “Bito” Croes

Acto di entierro lo wordo anuncia despues

na e proyecto den cualkier forma. Ministerio di Naturalesa ta invita e comunidad pa uni bou di e proyecto di agroforesteria na scolnan basico cu esfuerso

continuo pa uza nos recursonan natural na un manera responsabel y educa nos muchanan riba e importancia di siguridad di alimentacion.

ORACION DI DIA



Un feliz siman yena di bendicion gracia, amor y paz di Señor.

"Di berdad Mi ta bisa boso, tur loke boso a keda sin haci pa un di esnan di mas chikito aki, ta pa Mi boso a keda sin haci'e." (Mateo 25,45) E Evangelio ta corda nos di e huicio final, "ora e Yiu di hende yega den Su Gloria acompaña pa tur Su angelnan." Hesus ta bisa nos tin cu duna di come, bebe, bisti... esaki ta resulta den obranan di amor, nos ta mira Cristo mes den nos prohimo. Iglesia tambe a responde na e yamada aki, pa medio di asistencia social. Den e tempo di Cuaresma, nos por prepara pa biba como un bon Catolico, nos tin cu duna e miho, te ora e ta haci dolor. Nos tin cu corda cu Cristo a bisa: "Mi ta cu boso te na fin di tempo". E huicio final ta e berdad di fe, tempo pa husga bibo y morto! Cada un ta haya segun su obranan, bon of malo. Nos tin cu pidi Mama Maria pa e yuda nos den nos sirbishi na Hesus, cu ta den nos rumannan. No laga nos prepara pa e tempo aki so, pero lag'e perdura den e temponan cu lo bini, tur dia di nobo nos sigui cu e bon obranan. Oracion: Oh Señor, duna nos forsa pa sigui cu e bon obranan durante y despues di e tempo aki. Yuda nos pa ta generoso y duna di e suficiente cu Bo ta duna nos. Laga mi comparti e amor ricibi cu mi prohimo! Amen

PREPARACION ENTUSIASMA PA WEGANAN INTERINSULAR 2024 PA E DEPORTE DI SCHAKEN



emocion ta aumentando segun nos ta acercando pa Weganan Interinsular 2024 y e ekipo di schaken di Aruba no ta keda atras! Cu dedicacion y pasion nos atletanan ta drentando e fase final di nan preparacion, asegurando cu nan ta cla pa enfrenta e desafio cu ta spera nan.

E sesionnan di entrenamiento intensivo ta programa pa tuma lugar durante ultimo simannan prome cu e competencia marcando un momento crucial den e caminda pa exito. E atletanan lo beneficia di entrenamiento especialisa na e siguiente fechananyorario: diamars, 20 y 27 di Februari, 5:30 pm - 6:30 pm, Diasabra, 24 di Februari, 1:30 pm - 3:00 pm.

E lugar pa e encuentronan aki lo ta na e Centro di Bario Dakota na unda e

federacion di schakken tin un espacio adecuado pa cada atleta.

Nos orguyo ta crece segun nos mira e dedicacion y esfuerso di cada miembro di e equipo. Bou e guia experto di e entrenadornan Carol Williams y Jose Pesqueira, nos atletanan di schaken ta desaroyando nan habilidadnan y estrategia di wega na un nivel impresionante. E combinacion di experiencia, pasion, y dedicacion ta formando un ekipo cu ta prepara pa sobresali.

IBiSA ta hopi satisfecho cu e forma con conan ta bayendo y ta desea e ekipo di schaken lo miho durante nan preparacion. Nos ta convenci cu nan dedicacion y esfuerso lo traduci den prestacionnan extraordinario durante Weganan Interinsular

2024 contra Bonaire y Curaçao.

E comunidad di Aruba ta keda invita pa apoya nos atletanan for di dia 29 di februari te cu dia 3 di maart y na C. B. Dakota. Sigui nos na caminda p'e exito y celebra e espiritu deportivo cu ta bibrando den cada entrenamiento na caminda p'e competencia. Nos ta desea nos ekipo di schaken lo miho y ta conta cu nan pa eleva e nomber di Aruba den e Weganan Interinsular!

Pa mas informacion y pa sigui e progreso di nos ekipo por nos pagina social di IBiSA Aruba.

Ban Aruba! Nos ta mas cu prepara pa enfrenta e desafio y demonstra nos talento na e Weganan Interinsular 2024!

Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto ser dera
Gradicimento y invitashon pa misa pa 3 dia AFI 250,00

Pakete 2: Anuncio di fayecimento te dia cu e defunto ser dera
Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na
585-9500 of na 741-4554**

PARLAMENTARIO MARCO BERLIS A RICIBI CONTESTACION DI MINISTER RIBA “NO MORE HOTELS”: Entre 2009 cu 2017 Gabinete Eman I-II a duna green light pa 7000 camber extra!



Dia 17 di October 2023 Parlamentario Marco Berlis di fraccion di MEP a manda 20 pregunta riba e tema di “No More Hotels” pa Minister di Turismo y Salubridad Publico sr. Dangui Oduber. E contestacion a tarda un poco pa yega Parlamento, sinembargo minister di Turismo a duna un contestacion amplio pa asina brinda Parlamento di Aruba un bon perspectiva di e realidad actual. Pueblo merece pa ricibi informacion concreto y transparente for di su representantenan, sigur ora cu e tema tin di haci cu e cartera di mas di 90% di pueblo. Hotelnan ta dunadornan importante di trabao y ta aporta grandemente ne finanzas di miles di negoshi, famianan y nos pais. Algun di e preguntanan haci pa parlamentario Berlis na minister di Turismo.

1. Minister, ta berdad cu gobierno di AVP den e periodo di 2009-2017 a duna hotelnan permiso pa construi mas o menos

7000 mil camber aki na Aruba?

• Contesta: E maneho pa cu permiso pa tereno ta resorta bou di Directie Infrastructuur & Planning (DIP) cual ta cay bou di ministerio di infraestructura. Ministerio di turismo ta esun cu ta encarga cu e maneho di otorga permiso pa opera hotel. E pregunta menciona ariba a wordo dirigi na DIP y segun cifranan di DIP e gobierno di AVP durante e periodo di 2009-2017 a duna permiso y opcion pa traha mas o menos 7.000 camber di hotel, condominio y apartamento.

2. Minister por bisa cuanto permiso Gabinete Mike Eman a duna exactamente pa traha mas hotel?

• Contesta: Si, segun cifranan informacion ricibi for di DIP, AVP den e periodo di 2009 pa 2017 a duna permiso y opcion pa traha mas o menos 7.000 camber di hotel, condominio y apartamento. Pa mas informacion por consulta

e ROPV.

3. Minister por informa Parlamento cual tabata e minister cu a otorga e permisonan pa construi mas hotel aki na Aruba durante di gobierno di Mike Eman?

• Contesta: E minister di infraestructura di e tempo ey sr. Benny Zievinger, sosteni pa fraccion di AVP den parlamento.

4. Minister por compara cuanto permiso a wordo duna pa traha hotel entre 2009-2017 bao Gabinete di Mike Eman y durante e Gabinete Wever-Croes 2017-2023?

• Contesta: Gabinete Wever-Croes ta trahando te cu dia di awe pa mitiga e desaster laga atras door di Gabinete Mike Eman I y II y bahando lo mas posibel e cambernan cu no ta cumpli cu e condicionnan etcetera. Riba e plan di mitigacion, a logra reduci e cantidad di 7.000 camber pa 1.971 te cu 2025, y di 2025- 2030: 1.357.

5. Minister, durante 2009-2017 cu e permisonan aki pa hotelnan a sali

publicamente, tabata tin algun protesta den pueblo pa no pone mas hotel?

• Contesta: Di loke por tin den memoria, ningun gremio, fundacion of sindicato a protesta contra construcion di mas hotel durante e periodo 2009-2017. Tawata parece mas bien cu e tempo si tawata OK pa un gobierno otorga permiso pa construcion di mas di 7000 camber di hotel. E tempo ey no tawata tin protesta, no tawata tin cuestionamento, no tawata tin critica y mas bien tabata tin apoyo di parti media ambientalistanan pa construi mas hotel.

Di e forma aki nos por wak claramente e realidad di pais Aruba riba e topico di “No More Hotels.” No ta nada straño tampoco cu AVP y Benny Sevinger

ta asina keto riba e tema, sabiendo con nan a deshaci durante nan gobernacion cu e terenonan di nos pais. Ademas, kende a protesta di 2009-2017 durante di gobernacion di AVP contra e 7.000 cambernan aki? Ni un musca a bula e tempo ey! Pero nos por ta trankilo di wak claramente cu e gobierno aki a tuma e pasonan necesario pa mitiga e situacion y a baha e permisonan pa traha camber di 7000 pa 1.971, y pa 2025-2030 esaki lo baha te na 1.357.

Si pueblo desea mas informacion di e articulo aki, contact mi na tel: 528-4639 of email mi na: marco.berlis@parlamento.aw / Bo parlamentario y sirbidor di pueblo na bo ordo semper!

